

Neslužbena prečišćena verzija Zakona o predškolskom vaspitanju i obrazovanju u Brčko distriktu Bosne i Hercegovine sadrži: Zakon o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj : 13/07), i izmjene i dopune Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 19/07, 39/08, 21/10, 48/16, 22/17, 24/20 i 13/21).

Z A K O N
O PREDŠKOLSKOM VASPITANJU I OBRAZOVANJU U BRČKO
DISTRIKTU BOSNE I HERCEGOVINE
(Neslužbena prečišćena verzija)

PRVI DIO – OSNOVNE ODREDBE

Član 1
(Sadržaj zakona)

Ovim zakonom uređuju se ciljevi i zadaci predškolskog vaspitanja i obrazovanja, organizacija rada, finansiranje, upravljanje i provođenje nadzora u predškolskim ustanovama Brčko distrikta Bosne i Hercegovine (u daljnjem tekstu: Distrikt).

Član 2
(Pozicija predškolskog vaspitanja i obrazovanja)

Predškolsko vaspitanje je prvi stepen vaspitno-obrazovnog sistema koji se bavi vaspitanjem djece predškolskog uzrasta i integralni je dio jedinstvenog obrazovnog sistema u Distriktu.

Član 3
(Principi predškolskog vaspitanja i obrazovanja)

Predškolsko vaspitanje i obrazovanje zasniva se na opšteprihvaćenim vrijednostima demokratskog društva i specifičnostima nacionalne, istorijske, kulturne i vjerske tradicije naroda i nacionalnih manjina koji žive u Distriktu.

Član 4
(Cilj predškolskog vaspitanja i obrazovanja)

Cilj predškolskog vaspitanja i obrazovanja je da se u skladu s naučnim dostignućima najmlađoj generaciji osiguraju svi uslovi za optimalan tjelesni, intelektualni, emocionalni i socijalni razvoj, odnosno uspješno dalje vaspitanje i obrazovanje.

Član 5 **(Zadaci predškolskog vaspitanja i obrazovanja)**

Zadaci predškolskog vaspitanja i obrazovanja su:

- a) da podstiče psihofizički razvoj djeteta i utiče na formiranje ličnosti;
- b) da razvija psihosocijalne, kognitivne i druge sposobnosti djeteta;
- c) da omogući sticanje elementarnih znanja o prirodi i društvu;
- d) da njeguje i obogaćuje dječije stvaralaštvo i sposobnosti izražavanja, govorom, pokretom, likovnim i muzičkim izrazom u igri i drugim aktivnostima;
- e) da zadovoljava potrebe djece za igrom i zajedničkim životom, što utiče na pozitivan emocionalni i socijalni razvoj djeteta, formiranje moralnih osobina, radnih i kulturnih navika;
- f) priprema djece za daljnje vaspitanje i obrazovanje.

DIO DRUGI – PREDŠKOLSKE USTANOVE

GLAVA I - ORGANIZACIJA I RAD

„Član 6 **(Osnivanje predškolske ustanove)**

(1) Predškolsku ustanovu mogu osnovati domaća i strana fizička i pravna lica u skladu sa ovim zakonom.

(2) Predškolska ustanova, koju osniva Distrikt, ima status javne ustanove i finansira se iz budžeta Distrikta.“¹

Član 7 **(Organizacioni oblici)**

(1) Predškolska ustanova, u zavisnosti od vrste programa predškolskog vaspitanja i obrazovanja koji se ostvaruje u vremenu boravka djece, može se organizovati kao jaslice i vrtić.

(2) U predškolskoj ustanovi može biti jedan ili više oblika organizovanja iz stava 1 ovog člana.

(3) U jaslice se primaju djeca uzrasta od 6 mjeseci do tri godine.

(4) U vrtić se primaju djeca uzrasta od tri godine do polaska u školu.

(5) Djeca iz stava 3 ovog člana razvrstavaju se u vaspitne grupe, a broj i sastav vaspitnih grupa određuju se pedagoškim standardima.

¹ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

Odjeljak A. Osnivanje

„Član 8 (Osnivanje predškolske ustanove)

(1) Predškolska ustanova može se osnovati kao javna i kao privatna predškolska ustanova.

(2) Predškolska ustanova, koja se osniva kao javna ustanova, osniva se odlukom koju donosi Skupština Distrikta u skladu sa ovim zakonom.

(3) Prije donošenja odluke iz stava 2 ovog člana, Odjeljenje izrađuje elaborat o društveno-ekonomskoj opravdanosti osnivanja predškolske ustanove.

(4) Vlada Distrikta daje saglasnost na elaborat iz stava 3 ovog člana.“²

Član 9 (Sadržaj akta o osnivanju)

Akt o osnivanju predškolske ustanove sadrži:

- a) naziv, odnosno ime osnivača;
- b) naziv i sjedište predškolske ustanove koja se osniva;
- c) djelatnost predškolske ustanove;
- d) dokaz o osiguranju sredstava za osnivanje i rad predškolske ustanove;
- e) uslovi i način osiguranja prostora, opreme, nastavnih sredstava i pomagala;
- f) ime i ovlaštenja direktora predškolske ustanove;
- g) rok za donošenje pravila predškolske ustanove i
- h) „vrstu obrazovanja;“³**
- i) druge obaveze osnivača.

Član 10 (Uslovi za osnivanje predškolske ustanove)

(1) Predškolska ustanova se može osnovati:

- a) ako postoji najmanje 5 vaspitnih grupa u skladu s pedagoškim standardima i normativima;
- b) ako je obezbijeđen dovoljan broj radnika odgovarajuće stručne spreme propisane pedagoškim standardima i programima predškolskog vaspitanja i obrazovanja;
- c) ako je obezbijeđen prostor, oprema i didaktička sredstva u skladu s pedagoškim standardima i normativima.

⁴ **Obrisan sav 2**

² Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

³ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

(2) Privatna predškolska ustanova se može osnovati bez obzira na broj djece i broj vaspitnih grupa, ukoliko je osnivač osigurao potrebna sredstva za rad i ispunio propisane uslove u pogledu prostora, opreme i kadrova, kao i ostale uslove i kriterije utvrđene pedagoškim standardima i normativima.

„(3) Pedagoške standarde i normative na prijedlog Odjeljenja donosi Vlada Brčko distrikta BiH (u daljem tekstu: Vlada)“.⁵

Član 11 (Početak rada predškolske ustanove)

Predškolska ustanova može početi sa radom donošenjem rješenja Odjeljenja o ispunjavanju uslova propisanih ovim zakonom, upisa u sudski registar i registar predškolskih ustanova koji vodi Odjeljenje.

Odjeljak B. Rad predškolske ustanove

Član 12 (Programi)

Predškolske ustanove djelatnost vaspitanja i obrazovanja vrše u skladu s programima koje na prijedlog Pedagoške „institucije“⁶ donosi Odjeljenje.

Član 13 (Javnost rada)

- (1) Rad predškolske ustanove je javan.
- (2) **„Nadzor nad javnošću rada predškolske ustanove ostvaruje se u skladu sa podzakonskim aktima.“⁷**
- (3) Predškolska ustanova ima svoj pečat.
- (4) **„Izrada i upotreba pečata obavlja se u skladu sa Zakonom o pečatu Brčko distrikta Bosne i Hercegovine i pravilima predškolske ustanove.“⁸**

Član 14 (Pravila o radu)

- (1) Predškolska ustanova ima pravila o radu koja donosi upravni odbor, uz saglasnost Odjeljenja, kao osnovni opšti akt predškolske ustanove.

⁴ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

⁵ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

⁶ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

⁷ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

⁸ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

(2) Pravilima predškolske ustanove, pored pitanja utvrđenih Zakonom uređuju se i pitanja koje se odnose na:

- a) naziv i sjedište predškolske ustanove;
- b) obaveze predškolske ustanove prema osnivaču;
- c) utvrđivanje vrste, oblika i organizacije vaspitno-obrazovnog rada predškolske ustanove;
- d) način ostvarivanja javnosti rada, posebno o programima koji se realizuju u predškolskoj ustanovi;
- e) prijem djece u predškolsku ustanovu;
- f) saradnju sa roditeljima djece upisane u predškolsku ustanovu;
- g) način donošenja kućnog reda predškolske ustanove;
- h) opšte akte koji se donose u predškolskoj ustanovi, kao i načinu njihovog donošenja.

(3) Pravila o radu privatne predškolske ustanove donosi osnivač.

Član 15 (Godišnji program rada)

(1) Rad predškolske ustanove utvrđuje se godišnjim programom rada .

(2) Godišnji program rada javne predškolske ustanove donosi upravni odbor ustanove na prijedlog stručnog vijeća vaspitača.

(3) Godišnji program rada privatne predškolske ustanove donosi osnivač.

(4) Predškolska ustanova obavezna je godišnji program rada dostaviti na saglasnost Odjeljenju, do kraja septembra tekuće školske godine.

Član 16 (Izveštaj o radu)

Izveštaj o radu predškolske ustanove za proteklu školsku godinu dostavlja se Odjeljenju, do kraja mjeseca septembra tekuće godine.

C. Prestanak rada predškolske ustanove

Član 17 (Osnov za prestanak rada)

Predškolska ustanova prestaje sa radom:

- a) ako više ne postoji potreba za obavljanje njene djelatnosti;
- b) ako prestanu da postoje uslovi za obavljanje djelatnosti;
- c) ako je predškolskoj ustanovi izrečena mjera zabrane obavljanja djelatnosti zbog neispunjavanja uslova predviđenih ovim zakonom, a u ostavljenom roku nije ispunila te uslove;
- d) ako se pravosnažnom odlukom suda utvrdi ništavost upisa u registar;

- e) ako je u nemogućnosti da izvrši zakonom propisane obaveze, a aktom o osnivanju nije utvrđena odgovornost osnivača za te obaveze;
- f) ako se pripoji drugoj ustanovi ili podijeli na dvije ustanove;
- g) ako se organizuje kao drugo preduzeće;
- h) i u drugim slučajevima utvrđenim ovim zakonom.

Član 18

(Način prestanka rada predškolske ustanove)

(1) Kada nastupe okolnosti iz člana 17 ovog zakona, Odjeljenje „**predlaže osnivaču da donese odluku o prestanku rada predškolske ustanove**“⁹

(2) „**Ako osnivač predškolske ustanove u roku od tri (3) mjeseca od dana dostavljanja prijedloga iz stava 1 ovog člana ne donese odluku o prestanku rada predškolske ustanove, smatra se da je osnivač saglasan s prijedlogom odluke o prestanku rada predškolske ustanove i provodi se postupak brisanja predškolske ustanove iz registra.**“¹⁰

„**(3) Odlukom o prestanku rada predškolske ustanove, određuje se rok prestanka rada predškolske ustanove, koji ne može biti kraći od vremena potrebnog za završetak tekuće školske godine.**

(4) **Odluka o prestanku rada predškolske ustanove objavljuje se u „Službenom glasniku Brčko distrikta BiH“.**“¹¹

Odjeljak D. Prijem i upis djece

Član 19

(Prijem djece)

(1) U predškolsku ustanovu se primaju djeca normalnog psihofizičkog razvoja kao i „**djeca s posebnim potrebama**“¹², starosti od 6 mjeseci do polaska u školu.

(2) Pri upisu u predškolsku ustanovu, dijete mora imati ljekarsko uvjerenje o zdravstvenoj sposobnosti .

⁹ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

¹⁰ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

¹¹ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

¹² Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

(3) Bliži uslovi za upis djece iz stava 1 ovog člana utvrđuju se pravilima o radu predškolske ustanove.

Odjeljak E. Programi vaspitno-obrazovnog rada

Član 20 (Načela za utvrđivanje programa)

(1) Programi predškolskog vaspitanja i obrazovanja zasnivaju se na načelima Deklaracije Generalne skupštine Ujedinjenih nacija o pravima djeteta i Konvencije o pravima djeteta, posebno u pogledu zaštite djece od svireposti i nemara, te postupaka koji mogu dovesti do religiozne, nacionalne, rasne ili neke druge diskriminacije.

(2) Programima predškolskog vaspitanja i obrazovanja utvrđuju se ciljevi i zadaci, sadržaj i vrsta, kao i obim i trajanje vaspitanja i obrazovanja, metodologija i oblici rada, profil i stručna sprema radnika, te prostor, oprema i didaktička sredstva za ostvarivanje svakog programa.

(3) Programi predškolskog vaspitanja i obrazovanja kao i druge aktivnosti u predškolskoj ustanovi, realizuju se na bosanskom, srpskom i hrvatskom jeziku i latiničnom i ćirilichnom pismu.

Član 21 (Vrste programa)

U predškolskoj ustanovi u okviru programa, realizuju se primarni, specijalizovani, prilagođeni program vaspitno-obrazovnog rada i program za djecu pred polazak u školu, ako nisu obuhvaćena nekim od oblika predškolskog vaspitanja i obrazovanja.

Član 22 (Primarni programi)

Primarnim programom predškolskog vaspitanja i obrazovanja utvrđuju se obim, oblici i metodologija vaspitno-obrazovnog rada na osnovu savremenog pristupa tradicionalnog vaspitanja i kulturnih tekovina.

Član 23 (Specijalizovani programi)

Specijalizovani program predškolskog vaspitanja i obrazovanja sadrži vaspitno - obrazovni rad iz muzičke, likovne i dramske umjetnosti, sporta, stranih jezika, rekreacije i sličnih oblasti koje su u funkciji zadovoljavanja posebnih interesa i sklonosti djece.

Član 24 (Prilagođeni programi)

(1) Prilagođenim programom predškolskog vaspitanja i obrazovanja utvrđuju se ciljevi i zadaci sadržaja i oblici vaspitno-obrazovnog rada „za djecu sa posebnim potrebama“.¹³

„ (2) Dijete iz stava 1 ovog člana je dijete čiji je status određen u skladu s Pravilnikom o smetnjama u razvoju koji donosi šef Odjeljenja za zdravstvo i ostale usluge (u daljem tekstu: Odjeljenje za zdravstvo) kao i nadareno dijete.

(3) Nadareno dijete je dijete koje ima određene sposobnosti za razne vrste umjetnosti ili sporta.

(4) Za svako dijete iz stava 2 ovog člana predškolska ustanova je dužna da pokrene proceduru izrade individualnog obrazovnog plana prilikom upisa u predškolsku ustanovu.

(5) Rok za izradu prvog individualnog obrazovnog plana je najkasnije tri mjeseca od pokretanja procedure iz stava 4 ovog člana.

(6) Individualni obrazovni plan se izrađuje u skladu s pravilnikom koji donosi šef Odjeljenja nakon pribavljenog mišljenja Odjeljenja za zdravstvo.“¹⁴

„Član 25

(Vrijeme obaveznog uključivanja djece u predškolsko obrazovanje)

(1) U godini pred polazak u osnovnu školu, predškolsko vaspitanje i obrazovanje obavezno je za svu djecu predškolskog uzrasta.

(2) Predškolsko vaspitanje i obrazovanje je planirana aktivnost koja traje najmanje 150 časova, a može se organizovati jednom ili nekoliko puta u sedmici u najdužem dnevnom trajanju od tri časa, u skladu s potrebama i interesima porodice i djeteta.

(3) Predškolsko vaspitanje i obrazovanje iz stava 2 ovog člana realizuje se u školi i predškolskoj ustanovi.

(4) Predškolsko vaspitanje i obrazovanje iz stava 2 ovog člana finansira Odjeljenje.

(5) Predškolska ustanova je obavezna svakom djetetu koje je pohađalo predškolsko vaspitanje i obrazovanje da izda potvrdu.“¹⁵

Odjeljak F. Pedagoška dokumentacija i evidencija

Član 26 (Pedagoška evidencija)

¹³ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

¹⁴ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 21/10)

¹⁵ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 21/10)

(1) U predškolskoj ustanovi vodi se pedagoška dokumentacija i evidencija i to: radna knjiga, matična knjiga djece, karton s podacima o razvoju djeteta, ljetopis ustanove i dr.

(2) Sadržaj obrasca i način vođenja jedinstvene pedagoške evidencije propisuje „šef Odjeljenja“.¹⁶

GLAVA II- STRUČNI KADROVI

„Član 27

(1) Realizaciju svih programa u predškolskim ustanovama obavljaju vaspitači sa završenom visokom stručnom spremom.

(2) Realizaciju programa njege i zaštite djece obavljaju stručni saradnici sa završenom visokom, višom ili srednjom stručnom spremom medicinskog smjera.

(3) Realizaciju specijalizovanih i prilagođenih programa vaspitno-obrazovnog rada u predškolskim ustanovama mogu obavljati stručni saradnici sa završenom visokom stručnom spremom.

(4) U svojstvu asistenta, realizaciju programa vaspitno-obrazovnog rada u predškolskim ustanovama mogu obavljati stručni saradnici sa završenom visokom stručnom spremom.“¹⁷

„Član 27a

(Zasnivanje radnog odnosa)

U pogledu uslova, načina i postupka zapošljavanja u javnim predškolskim ustanovama u Distriktu analogno se primjenjuju odredbe dijela sedam Zakona o obrazovanju u osnovnim i srednjim školama Brčko distrikta Bosne i Hercegovine“¹⁸ „ , osim u izuzetnim slučajevima, propisanim ovim zakonom.“¹⁹

Član 28

(Pripravnici)

(1) Vaspitači i stručni saradnici koji prvi put zasnivaju radni odnos u predškolskoj ustanovi obavezni su da nakon jedne godine, a prije isteka druge godine neposrednog vaspitno-obrazovnog rada, polože stručni ispit.

(2) Vaspitaču i stručnom saradniku iz stava 1 ovog člana, koji u roku od dvije godine ne položi stručni ispit, prestaje radni odnos.

¹⁶ Zakon o izmjeni Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 19/07)

¹⁷ Zakon o izmjenama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

¹⁸ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

¹⁹ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 48/16)

(3) Program polaganja stručnog ispita, sastav komisije, način polaganja i sva ostala pitanja vezana za stručni ispit „uređuju se pravilnikom koji donosi šef Odjeljenja.“²⁰

²¹Stav 4 se briše.

Član 29 (Pripravnik –volonter)

Vaspitač ili stručni saradnik, bez radnog iskustva u struci može u predškolskoj ustanovi kao volonter obaviti pripravnički staž i položiti stručni ispit za samostalan vaspitno-obrazovni rad.

Član 30 (Stručno usavršavanje)

Uslovi i način polaganja stručnog ispita, oblici i način stručnog usavršavanja, ocjenjivanje, napredovanje i sticanje stručnih zvanja nastavnika i stručnih saradnika osnovnih i srednjih škola primjenjuje se i na vaspitače i druga stručna lica u predškolskim ustanovama.

„Član 31 (Ljekarski – sistematski pregled)

(1) Odjeljenje je dužno prije početka školske godine za sve zaposlene u predškolskim ustanovama organizovati sistematski ljekarski pregled za tekuću školsku godinu.

(2) Troškove pregleda snosi Odjeljenje.

(3) U predškolskoj ustanovi ne može raditi lice koje boluje od zarazne, duševne ili socijalne bolesti, kao što je alkoholizam, narkomanija ili sociopatsko ponašanje. (4) Kada komisija utvrdi da postoje indicije da je licu iz stava 1 ovoga člana narušeno psihičko ili fizičko zdravlje u mjeri koja bitno smanjuje njegovu radnu sposobnost, donosi odluku o upućivanju na vanredni ljekarski pregled.

(5) Komisiju iz stava 4 ovog člana imenuje šef Odjeljenja, koju čine psiholog, pedagog i direktor predškolske ustanove.

(6) Nakon stručnog nalaza zdravstvene ustanove, Odjeljenje odlučuje o daljem angažovanju zaposlenog u skladu sa zakonom.

(7) Odluku o upućivanju lica iz stava 1 ovog člana na vanredni ljekarski pregled može donijeti upravni odbor na predlog direktora predškolske ustanove.

(8) Licu iz stava 7 ovog člana, koje odbije izvršenje odluke upravnog odbora o upućivanju na ljekarski pregled, prestaje radni odnos.“²²

„Član 31a (Dužnost sufinansiranja)

Odjeljenje za zdravstvo dužno je da sufinansira:

- a) preventivne programe i programe zaštite i unapređivanja zdravlja djece;**
- b) potrošni materijal za jaslice;**
- c) profesionalno usavršavanje zdravstvenih radnika i specijalnih pedagoga;**

²⁰ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

²¹ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

²² Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

d) pregled djece pred upis u predškolsku ustanovu.“²³

Član 32 (Ostalo osoblje)

Odredbe člana 31 ovog zakona primjenjuju se i na druge zaposlenike predškolske ustanove.

Član 33 (Radno vrijeme zaposlenika)

(1) U okviru nedjeljnog radnog vremena, vaspitač ima 30 časova neposrednog vaspitno-obrazovnog rada s djecom, a ostalo radno vrijeme vaspitača do 40 časova popunjava se aktivnostima utvrđenim pedagoškim standardima i godišnjim programom rada.

(2) Pedagoškim standardima se utvrđuje vrsta i opis poslova stručnog saradnika u okviru 40-časovne sedmice.

(3) Raspored radnog vremena zaposlenika u predškolskoj ustanovi utvrđuje direktor, uz saglasnost Odjeljenja.

„Član 33a (Zamjena odsutnog vaspitača i stručnog saradnika)

(1) **Zbog potrebnog kontinuiteta vaspitno-obrazovnog procesa, u slučaju privremene spriječenosti za rad, plaćenog i neplaćenog odsustva, vaspitač i stručni saradnik zamjenjuje drugog vaspitača i stručnog saradnika.**

(2) **Osnovna plata zaposlenog koji radi na zamjeni zaposlenoga iz stava 1 ovog člana uvećava se u skladu s brojem časova.**

(3) **Cijena časa iz stava 2 ovog člana određuje se podzakonskim aktom koji donosi Vlada Distrikta, na predlog šefa Odjeljenja.**

(4) **Zamjena odsutnog vaspitača i stručnog saradnika iz stava 1 ovog člana, može trajati najduže do tri mjeseca.“²⁴**

„Član 33b

Izuzetno od člana 33a, na radno mjesto vaspitača, stručnog saradnika i kuvara može se angažovati lice, zaključivanjem ugovora o obavljanju privremenih i povremenih poslova.

²³ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 21/10)

²⁴ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 21/10)

Član 33c

(1) **Angažovanje lica po osnovu ugovora o obavljanju privremenih i povremenih poslova vrši se na osnovu saglasnosti Vlade Brčko distrikta BiH, u slučaju:**

- a) zamjene odsutnog vaspitača, stručnog saradnika i kuvara;
- b) nedostatka, odnosno upražnjenih pozicija vaspitača, stručnog saradnika i kuvara.

(2) **Angažovanje lica po osnovu ugovora o obavljanju privremenih i povremenih poslova može trajati do popunjavanja pozicije putem javnog konkursa, koji je nadležno Odjeljenje dužno da raspíše u roku od tri (3) mjeseca od momenta nastanka potrebe za kadrovima.**

Član 33d

Lica sa kojima se zaključuje ugovor o obavljanju privremenih i povremenih poslova moraju ispunjavati sljedeće uslove:

- a) **opšte uslove propisane članom 23 stavom 3 Zakona o državnoj službi u organima uprave Brčko distrikta BiH;**
- b) **posebne uslove predviđene Organizacionim planom, za svako radno mjesto u pogledu vrste i stepena stručne spreme.**²⁵

„Član 33e

(Angažovanje lica po osnovu ugovora)

Lica s kojima se zaključuje ugovor o obavljanju privremenih i povremenih poslova angažuju se sa evidencije zavoda za zapošljavanje u Bosni i Hercegovini, vodeći računa o strukturi stanovništva.²⁶

Član 34

(Godišnji odmor)

(1) Zaposleni u predškolskim ustanovama godišnji odmor, po pravilu, koriste u toku ljeta .

(2) Pravilima o radu predškolske ustanove detaljnije se određuje način i uslovi korištenja godišnjeg odmora zaposlenih u predškolskoj ustanovi.

GLAVA III- UPRAVLJANJE I RUKOVOĐENJE PREDŠKOLSKOM USTANOVOM

Odjeljak A. Organ upravljanja

„Član 35

(Upravni odbor)

²⁵ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 48/16)

²⁶ Zakon o izmjeni Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 22/17)

- (1) Upravni odbor predškolske ustanove (u daljem tekstu: upravni odbor) je organ upravljanja u predškolskoj ustanovi.**
- (2) Članove upravnog odbora predškolske ustanove koju osniva Distrikt imenuje gradonačelnik.**
- (3) Članove upravnog odbora privatne predškolske ustanove imenuje osnivač.**
- (4) Upravni odbor sastoji se od pet (5) članova.**
- (5) Članovi upravnog odbora biraju se iz reda:**
 - a) osoblja predškolske ustanove;**
 - b) osnivača;**
 - c) roditelja.**
- (6) Članovi upravnog odbora biraju se u skladu s propisanom procedurom, a na principu ravnopravne zastupljenosti predstavnika navedenih struktura.**
- (7) Sastav upravnog odbora odražava nacionalnu strukturu stanovništva Distrikta, roditelja i osoblja predškolske ustanove.**
- (8) Za člana upravnog odbora iz reda osoblja predškolske ustanove i roditelja može biti imenovano lice koje ima najmanje srednju stručnu spremu.**
- (9) Za člana upravnog odbora na predlog osnivača može biti imenovano lice koje ima najmanje višu stručnu spremu.**
- (10) Članovi upravnog odbora ne mogu biti članovi upravnih i drugih odbora političkih organizacija niti biti izabrani funkcioneri i nosioci političkih funkcija.**
- (11) Lice može biti član samo jednog upravnog odbora.**
- (12) Dužnost člana upravnog odbora vrši se uz naknadu putnih troškova i prisutnosti na sjednicama upravnog odbora.**
- (13) Način obračuna navedenih troškova uređuje se odlukom, koju donosi gradonačelnik na predlog šefa Odjeljenja.“²⁷**

Član 36 (Nadležnost)

- (1) Upravni odbor obavlja slijedeće poslove:**
 - a) razmatra i donosi plan upisa djece;**
 - b) razmatra rezultate rada predškolske ustanove;**
 - c) na prijedlog vijeća vaspitača, donosi pravila o radu predškolske ustanove;**
 - d) na prijedlog vijeća vaspitača, donosi godišnji program rada predškolske ustanove;²⁸**
 - e) donosi poslovnik o radu;**
 - f) obavlja i druge poslove u skladu sa zakonom i aktima predškolske ustanove.**

²⁹ Stavovi 2, 3 i 4 se brišu.

²⁷ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

²⁸ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

²⁹ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

Član 37 (Odgovornost)

(1) Za svoj rad članovi upravnog odbora predškolske ustanove odgovorni su osnivaču i strukturi koju predstavljaju.

Odjeljak B. **Direktor**

„Član 38 (Imenovanje direktora)

(1) Predškolskom ustanovom rukovodi direktor.

(2) Direktora „ i pomoćnika direktora“³⁰ javne predškolske ustanove imenuje gradonačelnik na predlog Odbora za zapošljavanje u obrazovnim institucijama, na period od četiri (4) godine, a može ga razriješiti dužnosti i prije isteka mandata, na predlog upravnog odbora ili na vlastiti zahtjev.

(3) Ukoliko direktor nije u mogućnosti da obavlja svoje dužnosti zamjenjuje ga lice koje on ovlasti, u skladu sa organizacionim planom.

(4) Nakon isteka mandata ili prestanka dužnosti, direktor „odnosno pomoćnik direktora“³¹ javne predškolske ustanove ima pravo da se vrati na radno mjesto s kojeg je imenovan na mjesto direktora.

(5) Za radno mjesto, upražnjeno imenovanjem direktora „odnosno pomoćnika direktora“³² javne predškolske ustanove, raspisuje se javni konkurs na određeno vrijeme u trajanju od četiri (4) godine.

(6) Direktora privatne predškolske ustanove imenuje osnivač.“³³

„Član 39 (Opšti i posebni uslovi)

Za direktora „i pomoćnika direktora“³⁴ predškolske ustanove može biti imenovano lice koje pored opštih uslova ispunjava i sljedeće posebne uslove:

³⁰ Zakon o dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 24/20)

³¹ Zakon o dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 24/20)

³² Zakon o dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 24/20)

³³ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

³⁴ Zakon o dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 24/20)

- a) visoka stručna sprema u oblasti predškolskog vaspitanja „ , osnovnog i srednjeg obrazovanja“³⁵, pedagogije, specijalne pedagogije, psihologije ili pedagogije-psihologije;
b) najmanje pet godina radnog iskustva u struci nakon sticanja visoke stručne spreme;
c) izražene organizacione sposobnosti.“³⁶

Član 40 (Dužnosti)

(1) Direktor predškolske ustanove, pored poslova i zadataka utvrđenih zakonom, obavlja i slijedeće poslove:

- a) rukovodi radom predškolske ustanove;
- b) zastupa predškolsku ustanovu i osigurava zakonitost rada;
- c) podnosi izvještaj o uspjehu i postignutim rezultatima vaspitno-obrazovnog rada upravnom odboru predškolske ustanove, osnivaču, Odjeljenju i „Pedagoškoj instituciji koja“³⁷ vrši stručni nadzor;
- d) odlučuje o raspoređivanju vaspitača i drugog osoblja predškolske ustanove na određene poslove i radne zadatke i „ocjenjuje njihov rad“³⁸;
- e) prati i usmjerava rad vaspitača i drugog osoblja predškolske ustanove;
- f) vrši i druge poslove predviđene pravilima predškolske ustanove.

Član 41 (Razrješenje)

(1) Ako direktor „odnosno pomoćnik direktora“³⁹ predškolske ustanove ne ispunjava ovim zakonom i drugim propisima utvrđene obaveze, može biti razriješen dužnosti i prije isteka mandata od četiri godine.

⁴⁰ Stav 2 se briše.

(2) Direktora privatne predškolske ustanove razrješava osnivač.

Odjeljak C. Stručni organi u predškolskoj ustanovi

Član 42 (Vrste stručnih organa)

Stručni organi u predškolskoj ustanovi su:

³⁵ Zakon o dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 24/20)

³⁶ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 21/10)

³⁷ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

³⁸ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

³⁹ Zakon o dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 24/20)

⁴⁰ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

- a) Stručno vijeće; i
- b) Stručni aktiv.

Član 43 (Stručno vijeće)

- (1) Stručno vijeće čine, vaspitači, stručni saradnici i saradnici.
- (2) Stručno vijeće obavlja slijedeće poslove:
 - a) prati i analizira organizaciju i realizaciju programa vaspitno-obrazovnog rada,
 - b) predlaže program stručnog usavršavanja vaspitača i analizira njegovu realizaciju;
 - c) razmatra i utvrđuje prijedlog godišnjeg programa rada;
 - d) prati i analizira rad stručnih aktiva i stručnih tijela;
 - e) utvrđuje program saradnje sa roditeljima i lokalnom zajednicom i prati njegovu realizaciju;
 - f) predlaže kandidate za članove upravnog odbora;
 - g) obavlja i druge poslove u skladu sa zakonom i drugim propisima.
- (3) Stručnim vijećem rukovodi direktor predškolske ustanove.

Član 44 (Stručni aktiv)

- (1) Stručni aktiv formira se od vaspitača po vaspitnim grupama u kojima se realizuje vaspitno-obrazovni proces.
- (2) Stručni aktiv obavlja slijedeće poslove:
 - a) stara se o usklađivanju rada istih uzrasnih vaspitnih grupa;
 - b) prati cjelokupan razvoj i aktivnost djece i predlaže mjere za unapređivanje;
 - c) utvrđuje program aktiva i brine se o njegovoj realizaciji;
 - d) obavlja i druge poslove u skladu s godišnjim programom rada ustanove.
- (3) Stručnim aktivom rukovodi predsjednik aktiva koji se bira na prvoj sjednici aktiva za svaku školsku godinu.

Odjeljak D. Vijeće roditelja

Član 45 (Osnivanje)

- (1) Predškolska ustanova je dužna da omogući osnivanje vijeća roditelja.

(2) Članovi vijeća roditelja biraju se iz reda roditelja po proceduri utvrđenoj pravilima predškolske ustanove.

Član 46 (Nadležnosti vijeća roditelja)

Vijeće roditelja:

- a) promoviše interese predškolske ustanove u lokalnoj zajednici;
- b) predstavlja stavove roditelja upravnom odboru predškolske ustanove;
- c) podstiče angažman roditelja u radu predškolske ustanove;
- d) informiše upravni odbor o svojim stavovima kada ocijeni da je to potrebno, ili na zahtjev upravnog odbora, o svakom pitanju koje se odnosi na rad predškolske ustanove;
- e) kandiduje predstavnika roditelja u upravni odbor.

GLAVA IV- FINANSIRANJE PREDŠKOLSKIH USTANOVA

Odjeljak A. Obezbjeđivanje sredstava za realizaciju programa vaspitno-obrazovnog rada

Član 47 (Finansiranje)

(1) Finansiranje predškolskih ustanova vrši se iz sredstava osnivača u skladu s pedagoškim standardima i normativima za predškolsko vaspitanje i obrazovanje.

(2) Dio sredstava u finansiranju javnih predškolskih ustanova može se osigurati iz sredstava korisnika usluga i donacijama.

„(3) Uslovi za primanje i raspolaganje finansijskim sredstvima iz stava 1 i 2 ovog člana, za predškolske ustanove koje je osnovao Distrikt, detaljnije se utvrđuju podzakonskim aktom koji donosi šef Odjeljenja.“⁴¹

Odjeljak B. Struktura i način finansiranja

Član 48 (Subjekti finansiranja)

(1) Osnivač javne predškolske ustanove finansira:

⁴¹ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

- a) bruto plate zaposlenih;
- b) materijalne troškove;
- c) osnovnu opremu i nastavna sredstva;
- d) potrošni materijal za vaspitno-obrazovni rad;
- e) amortizaciju i tekuće održavanje;
- f) osnovni didaktički materijal.

(2) Korisnik usluga učestvuje u obezbjeđivanju sredstava za:

- a) troškove ishrane djece;
- b) troškove specijalizovanih programa;
- c) troškove ljetovanja, zimovanja i jednodnevnih posjeta.

(3) Sredstva iz stava 2 ovog člana utvrđuju se godišnje u skladu s aktom koji na prijedlog Odjeljenja donosi „Vlada“.⁴²

„(4) Finansiranje privatne predškolske ustanove vrši se iz sredstava osnivača, donacija i drugih izvora.“⁴³

GLAVA V- NADZOR NAD RADOM PREDŠKOLSKE USTANOVE

„Član 49 (Nadzor nad zakonitošću)

Nadzor nad zakonitošću rada predškolskih ustanova vrši se u skladu sa odredbama Zakona o obrazovanju u osnovnim i srednjim školama Brčko distrikta BiH.“⁴⁴

Član 50 (Stručni pedagoški nadzor)

(1) Nadzor nad stručnim radom predškolske ustanove (u daljnjem tekstu: stručni nadzor) obuhvata:

- a) praćenje rada predškolske ustanove;
- b) praćene realizacije programa predškolskog vaspitanja i obrazovanja;
- c) pružanje stručne pomoći u planiranju, programiranju i organizaciji vaspitno-obrazovnog rada u predškolskoj ustanovi;
- d) praćenje i ocjenjivanje rada vaspitača, drugih stručnih saradnika i direktora predškolske ustanove.

(2) Stručni nadzor u predškolskim ustanovama vrši „Pedagoška institucija“⁴⁵.

(3) „Vršenje stručno-pedagoškog nadzora bliže se uređuje podzakonskim aktom koji, na predlog Pedagoške institucije, donosi šef Odjeljenja.“⁴⁶

⁴² Zakon o izmjeni Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 19/07)

⁴³ Zakon o izmjenama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 19/07)

⁴⁴ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

⁴⁵ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

Član 51
(Pristup za vršenje stručnog nadzora)

Predškolska ustanova dužna je da omogući nesmetano vršenje stručnog nadzora i uvid u dokumentaciju i evidenciju koja se vodi u predškolskoj ustanovi.

„GLAVA Va – KAZNENE ODREDBE

Član 51a
(Novčana kazna od 2.000 KM do 10.000 KM)

(1) Novčanom kaznom od 2.000 KM do 10.000 KM biće kažnjena za prekršaj predškolska ustanova ako:

a) započne sa radom prije donošenja Rješenja o odobrenju za obavljanje djelatnosti predškolskog vaspitanja i obrazovanja (član 11);

b) nastavi da obavlja djelatnost suprotno članu 17 tački c) ovog zakona.

(2) Za prekršaj iz stava 1 ovog člana biće kažnjeno i odgovorno lice u predškolskoj ustanovi novčanom kaznom od 500 KM do 3.000 KM.

(3) Za prekršaj iz stava 1 ovog člana uz novčanu kaznu može se izreći i zaštitna mjera zabrane obavljanja djelatnosti predškolskoj ustanovi.

(4) Za prekršaj iz stava 1 ovog člana uz novčanu kaznu iz stava 2 ovog člana može se izreći i zaštitna mjera zabrane obavljanja dužnosti odgovornom licu u predškolskoj ustanovi.

Član 51b
Novčana kazna od 1.000 KM do 5.000 KM)

(1) Novčanom kaznom od 1.000 KM do 5.000 KM biće kažnjena za prekršaj predškolska ustanova ako:

a) ne dostavi u roku godišnji program rada (član 15 stav 4);

b) ne dostavi u roku izvještaj o radu (član 16);

c) zaposli lice neodgovarajuće stručne spreme za realizaciju programa u predškolskim ustanovama (član 27 stav 1);

d) zaposli lice suprotno članu 27a ovog zakona;

e) ne obezbijedi zdravstveni pregled zaposlenih (član 31 stav 1);

f) zaposli lice suprotno članu 31 stavovima 2 i 3 ovog zakona.

(2) Za prekršaj iz stava 1 ovog člana biće kažnjeno i odgovorno lice u predškolskoj ustanovi novčanom kaznom od 500 KM do 2.000 KM.

⁴⁶ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

Član 51c
(Novčana kazna od 1.000 KM do 3.000 KM)

(1) Novčanom kaznom od 1.000 KM do 3.000 KM biće kažnjena za prekršaj predškolska ustanova ako upiše dijete bez uvjerenja o zdravstvenoj sposobnosti.

(2) Za prekršaj iz stava 1 ovog člana biće kažnjeno i odgovorno lice u predškolskoj ustanovi novčanom kaznom od 300 KM do 1.500 KM.

Član 51d
(Novčana kazna od 500 do 1.500,00 KM)

Novčanom kaznom od 500,00 do 1.500,00 KM biće kažnjen za prekršaj roditelj odnosno, staratelj koji svom djetetu, koje nije pohađalo predškolsku ustanovu, ne obezbijedi redovno pohađanje pripreme za školu u godini pred polazak u školu.“⁴⁷

GLAVA VI- PRELAZNE I ZAVRŠNE ODREDBE

Član 52
(Status Dječijeg zabavišta i obdaništa „Naša djeca“ Brčko)

Skupština Distrikta BiH preuzima prava i obaveze osnivača prema Javnoj ustanovi zabavište i obdanište „Naša djeca“ Brčko.

„Član 53
(Podzakonski akti)

(1) Nadležni organi i lica dužni su u roku od šest (6) mjeseci od dana stupanja na snagu ovog zakona donijeti sve podzakonske akte predviđene ovim zakonom.

(2) Do donošenja podzakonskih akata iz stava 1 ovoga člana primjenjuju se podzakonski akti koji su na snazi na dan stupanja na snagu ovog zakona, ukoliko nisu u suprotnosti sa odredbama ovog zakona.“⁴⁸

„Član 54
(Status zatečenih vaspitača i stručnih saradnika)

(1) Zatečeni vaspitač i stručni saradnik koji imaju dvadeset i više godina staža u predškolskim ustanovama na dan donošenja ovog zakona mogu obavljati posao do odlaska u penziju.

⁴⁷ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 21/10)

⁴⁸ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)

(2) Zatečeni vaspitač i stručni saradnik koji stupanjem na snagu ovog zakona imaju manje od dvadeset (20) godina staža u predškolskim ustanovama dužni su steći stručnu spremu propisanu organizacionim planom, da bi zadržali status, u roku od pet (5) godina od dana donošenja ovoga zakona.

(3) Licu iz stava 1 ovog člana prestaje radni odnos po sili zakona, ukoliko ne stekne potrebnu stručnu spremu u roku iz stava 2 ovog člana.

(4) Licu iz stava 1 ovog člana koje nema položen stručni ispit propisan organizacionim planom, kao poseban uslov za njegovo radno mjesto, prestaje radni odnos po sili zakona ukoliko ne položi stručni ispit u roku od godinu dana od dana stupanja na snagu ovoga zakona.“⁴⁹

Član 55

Stupanjem na snagu ovog zakona, prestaju da važe propisi koji su se primjenjivali u oblasti predškolskog vaspitanja i obrazovanja u Distriktu.

Član 56 (Stupanje na snagu)

Zakon o predškolskom vaspitanju i obrazovanju u Brčko distriktu Bosne i Hercegovine stupa na snagu 5. maja 2007. godine, a njegove izmjene i dopune 17. jula 2007. godine, 10. oktobra 2008. godine, 30. juna 2010. godine, 16. decembra 2016. godine, 15. jula 2017. godine, 4. jula 2020. godine i 4. avgusta 2021. godine.

⁴⁹ Zakon o izmjenama i dopunama Zakona o predškolskom vaspitanju i obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 39/08)